



FAIGH DREUCHD ANN AN CÙRAM-CHLOINNE

**MAR A GHEIBH THU OB AIR
ANN AN TRÀTH-IONNSACHADH
AGUS CÙRAM-CHLOINNE**

**OBRAICHEAN ANN
AN-DRÀSTA**



RO-RÀDH

'S e Tràth-ionnsachadh agus Cùram-chloinne (ELC) an dearbh dhreuchd do chuideigin a tha ag iarraidh obair as fhiach le sàsachadh. Tha gach latha eadar-dhealaichte agus cruthachail, agus a' toirt piseach air beatha chloinne. Gheibh thu spòrs agus toileachas ann an obair cùram-chloinne.

Innsidh an leabhran seo a h-uile rud a dh'fheumas tu airson obair fhaighinn ann an ELC – mar a thòisicheas tu, an tuarastal a bhiodh tu a' sùileachadh, agus adhartas san dreuchd.

▣▣ Le bhith a' toirt eisimpleir math don chloinn sin agus a' cur dhùbhlàn romhpa, bidh leasachadh a' tighinn air gach raon dem beatha. ▣▣

Lindsey, Neach-obrach Tràth-ionnsachadh

A' TÒISEACHADH

Carson obair ann an Tràth-ionnsachadh agus Cùram-chloinne?

Ma tha e a' còrdadh riut a bhith còmhla ri clann òg 's tu airson buaidh mhath a thoirt air am beatha, 's dòcha gur e ELC an dreuchd dhutsa. Le bhith a' toirt taic do chlann nan tràth-ionnsachadh, tha thu gan cuideachadh a bhith soirbheachail san àm ri teachd.

Dè na dh'fheumas mi de eòlas?

Chan fheum eòlas sònraichte a bhith agad gus tòiseachadh ann an dreuchd ann an cùram-chloinne. Chan fheum thu ach a bhith dealasach mu bhith a' cuideachadh clann gu bhith ag ionnsachadh agus a' tighinn air adhart.

Am feum mi a bhith aois shònraichte?

Ma tha thu 16 no nas sine, agus fo 65, faodaidh tu dreuchd ann an cùram-chloinne a thòiseachadh.

An dèan mi a'chùis air an trèanadh?

Cò dhiù tha thu a' fàgail na sgoile, no ag atharrachadh do dhreuchd, tha bursaraidhean ann airson do chuideachadh le dreuchd ùr ann an ELC. Nuair a tha thu a' rannsachadh chùrsaichean colaiste, bruidhinn ri seirbheis nan oileanach feuch dè am maoineachadh a gheibheadh tu.

Agus cuimhnich, ma thaghas tu preantasachd no SVQ, bidh thu a' cosnadh sa bhad agus fhad 's a tha thu a' trèanadh.

Am faigh mi obair?

Ro 2020, bidh suas ri 11,000 obair ùr ann an ELC, agus Riaghaltas na h-Alba cha mhòr a' dùblachadh nan uairean a tha clann trì agus ceithir bliadhna a' faighinn san sgoil-àraich an-asgaidh. Le sin, tha obraichean ann an-dràsta, agus bidh mòran eile ann fhathast. Gus obraichean an-dràsta a lorg nad sgìre fhèin, coimhead air: childcarecareersscotland.scot/how-to-get-started/live-jobs

A' TÒISEACHADH

Dè na teisteanasan a dh'fheumas mi?

Gus obrachadh ann an ELC feumaidh tu co-dhiù aon teisteanas SCQF Ìre 6, a rèir 's dè an obair a tha thu airson cur air a shon. Gu h-ìosal chì thu na teisteanasan riatanach airson diofar obraichean ann an ELC. Dh'fhaodadh tu am faighinn le preantasachd, SVQ no NC sa cholaiste – tha diofar shlighean a-steach a dhreuchd ann an cùram-chloinne.

Ach, chan fheum thu na teisteanasan mus tòisich thu. Faodaidh tu an teisteanas fhaighinn an toiseach agus an uair sin cur airson obair, air neo faodaidh tu cur a-steach airson obair/preantasachd an toiseach agus trèanadh fhaighinn nuair a tha thu ag obair.

Seo na teisteanasan a tha ann an-dràsta:

Ionnsaich le preantasachd

SCQF Ìre 6 – **Preantasachd Tòiseachaidh** Seirbheisean Sòisealta (Clann agus Daoine Òga)

SCQF Ìre 7 – **Preantasachd Nuadh** Seirbheisean Sòisealta (Clann agus Daoine Òga)

SCQF Ìre 9 – **Preantasachd Teicnigeach** Seirbheisean Sòisealta (Clann agus Daoine Òga)

Ionnsaich san àit'-obrach

SCQF Ìre 6 – **SVQ Seirbheisean Sòisealta** (Clann agus Daoine Òga)

SCQF Ìre 7 – **SVQ Seirbheisean Sòisealta** (Clann agus Daoine Òga)

SCQF Ìre 9 – **SVQ Seirbheisean Sòisealta** (Clann agus Daoine Òga)

Ionnsaich sa Cholaiste

SCQF Ìre 6 – **NC Tràth-ionnsachadh agus Cùram-chloinne**

SCQF Ìre 7 – **HNC Practas Cùram-chloinne**

SCQF Ìre 6 – **HNC Practas Cùram-chloinne & PDA Practas Cùram-chloinne**

SCQF Ìre 9 – **PDA Practas Cùram-chloinne**

Ionnsaich san Oilthigh

SCQF Ìre 9 – **BA Practas Cùram-chloinne**

» Bha mi ag obair ann an sgoil-àraich fhad 's a bha mi a' dèanamh cùrsa air-loidhne airson teisteanas ann an cùram-chloinne. »

Daibhidh, Neach-obrach Tràth-ionnsachadh

AG OBAIR ANN AN ELC

Dè na bhios mi a' cosnadh?

Tha an tuarastal airson Neach-obrach Tràth-ionnsachaidh agus Cùram-chloinne eadar £15-28K sa bhliadhna, sa chumantas. Tha an dearbh shùim an crochadh air na teisteanasan agus an eòlas agad, agus an sgoil-àraich sa bheil thu ag obair. Tha cothroman ann barrachd a chosnadh ma dh'obraicheas tu suas gu bhith nad mhanaidsear air sgoil-àraich.

Dè bhios mi ris gach latha?

Ged a bhios gach latha diofraichte, mar as trice bidh seo uile, no pàirt dhiubh, na lùib:



A' leasachadh sgilean na cloinne le gnìomhan mar peantadh, còcaireachd, a' cluich ceòl, geamannan le àireamhan agus an aibidil, agus gnìomhan a-muigh



A' brosnachadh ionnsachadh na cloinne le sgeulachdan agus le bhith a' seinn còmhla



A' cumail na cloinne slàn, sàbhailte



A' measadh agus a' toirt fiosrachadh air ais air mar a tha a' chlann a' faighinn air adhart.



AG OB AIR ANN AN ELC

A bheil uairean sùbailte ann?


Tha mòran dhiofar phàtranach obrach ann, agus nam measg, pàirt-ùine agus uairean sùbailte dhaibhsan a tha ag iarraidh dreuchd a tha a' freagairt air teaghlach.

Ciamar a nì mi adhartas nam dhreuchd?

Tha mòran obraichean ann an ELC, agus nam measg obair speisealta a' toirt taic do chlann aig a bheil feumalachdan a bharrachd. Ach, bidh a' mhòr-chuid ag obair ann am fear de na raointean farsaing: Neach-taic, Neach-obrach, no Prìomh Neach-obrach/Manaidsear.

Tadhail air an [larach-lìn](#) againn gus tuilleadh fhaighinn a-mach mu dhreuchdan.

Mar a tha thu a' dol adhart, faodaidh tu fhèin co-dhùnaidhean a dhèanamh air an ionnsachadh 's air an leasachadh nad dhreuchd, mar eisimpleir, a' tòiseachadh trèanadh 's tu ag obair, agus teisteanasan.



❑ Chòrd e rium gu mòr gun robh cothrom agam nam dhreuchd diofar rudan anns an robh ùidh agam a leantainn agus cuideachd adhartachadh fhaighinn le trèanadh 's mi ag obair. ❑
Kyle, Neach-obrach Tràth-ionnsachadh

AG OB AIR ANN AN ELC

An ath cheum

Leis gum bi còrr is 11,000 obair ùr a' dol beò ron Lùnastal 2020, 's e seo an t-àm do dhreuchd ann an Tràth-ionnsachadh agus Cùram-chloinne a thòiseachadh.

Thoir sùil gheur air an fhiosrachadh san leabhran seo, agus air an [larach-lin](#), againn, feuch dè am fear de theisteanasan ELC as fheàrr dhut. An uair sin faodaidh tu tòiseachadh a' cur a-steach airson trèanadh, no airson obair, san sgìre agad – a' chiad cheum a dh'ionnsaigh dreuchd ùr.

childcarecareersscotland.scot/how-to-get-started/training-info

❑❑ S e faireachdainn air leth math a th' ann pàiste toilichte, stòlda fhaicinn is spòrs aige. Chanainn-sa ri duine sam bith a bha a' beachdachadh air obair ann an Tràth-ionnsachadh agus Cùram-chloinne –

Siuthad! Dall ort! ❑❑

Eileen, Ceannard Ionaid

